

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-25841-1/12.

Zenica, 28.11, 07. i 13.12.2012. godine

ZAPISNIK

**sa 91. sjednice Vlade Zeničko-dobojskog kantona
održane 28.11.2012. godine i nastavaka održanih
07.12.2012. godine i 13.12.2012.godine**

Sjednica je održana u sali 109, prvi sprat u zgradi Kantona, dana 28.11.2012. godine sa početkom u 8⁰⁰ sati, a nastavci održani 07.12.2012. godine u 13¹² sati i 13.12.2012.godine u 13²⁵ sati.

Sjednici je predsjedavao Fikret Plevljak, premijer Zeničko-dobojskog kantona.

Sjednici su prisustvovali članovi Vlade:

1. Džemil Ugarak, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Mirsad Isaković, ministar Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva, opravdano je odsutna,
9. Raif Seferović, ministar Ministarstva za prostorno uređenje, promet i komunikacije i zaštitu okoline,
10. Ekrem Tuka, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Dženan Begović, šef Ureda premijera,
4. Jasna Ahmetspahić, portparol,
5. Azra Dedić, zapisničar.

Premijer Zeničko-dobojskog kantona stavio je na diskusiju predloženi

DNEVNI RED:

1. Informacija o odlukama Ustavnog suda Bosne i Hercegovine (dostavljenih Vladi Zeničko-dobojskog kantona na izvršenje po osnovu kolektivnih ugovora), sa Prijedlogom Zaključka o primanju na znanje;

2. Informacija o kadrovskim i materijalnim potrebama Kantonalnog tužiteljstva Zeničko-dobojskog kantona, sa Prijedlogom Zaključka o prihvatanju;
3. Zaključak o prihvatanju Mišljenja Ministarstva finansija broj: 07/02-14-713-1/12 od 19.11.2012. godine, datog na akte Agencije za privatizaciju Zeničko-dobojskog kantona;
4. Prijedlog Odluke o raspodjeli sredstava za klubove poslanika političkih stranaka i samostalne poslanike za mjesec novembar 2012. godine;
5. Prijedlog Zaključka o vraćanju na doradu teksta Nacrta Strategije razvoja sporta Zeničko-dobojskog kantona za 2013-2017. godinu;
6. Prijedlog Rješenja o razrješenju i konačnom imenovanju člana Školskog odbora Osnovne škole „Abdulvehab Ilhamija“ Kalošević, Tešanj;
7. Prijedlog Odluke o planiranju finansijskih sredstava za sufinansiranje projekata odobrenih od međunarodnih institucija;
8. Prijedlog Odluke o odobravanju sredstava privrednom društvu „Bio-šamp“ d.o.o. Tešanj na ime subvencioniranja uvođenja i certifikacije međunarodnog standarda HACCP;
9. Prijedlog Zaključka o imenovanju punomoćnika državog kapitala za XIV. Skupštinu privrednog društva „rmk promet“ d.d. Zenica, zakazanu za 14.12.2012. godine;
10. Prijedlog Zaključka o odobravanju isplata proizvođačima borovnice sa područja Zeničko-dobojskog kantona na ime isplate poticaja za proizvodnju borovnice;
11. Prijedlog Zaključka o odobravanju isplata uzgajivačima sa područja Zeničko-dobojskog kantona na ime premije za uzgojenu steonu junicu;
12. Prijedlog Zaključka o davanju saglasnosti Ministarstvu za rad, socijalnu politiku i izbjeglice za preuzimanje obaveza na pozicijama „Transfer za alternativni smještaj“ i „Izdaci za raseljena lica“ u skladu sa članom 2. stav 3. Odluke o obustavljanju izvršavanja pojedinih rashoda i izdataka u Budžetu Zeničko-dobojskog kantona za 2012. godinu („Službene novine Zeničko-dobojskog kantona“, broj 14/12);
13. Prijedlog Zaključka o odobravanju sredstava Fadili Džambegović iz Visokog, udovici poginulog branitelja, u svrhu kupovine stambenog objekta, radi stambenog zbrinjavanja;
14. Prijedlog Zaključka o odobravanju sredstava Šerifi Kvakić iz Visokog, udovici poginulog branitelja, u svrhu izgradnje stambenog objekta, radi stambenog zbrinjavanja;
15. Prijedlog Zaključka o odobravanju sredstava Milici Džafić iz Visokog, udovici poginulog nositelja ratnog priznanja „Zlatni ljiljan“, u svrhu izgradnje stambenog objekta, radi stambenog zbrinjavanja;
16. Prijedlog Zaključka o odobravanju sredstava Habibi Ramić iz Zenice, udovici poginulog branitelja, u svrhu izgradnje stambenog objekta, radi stambenog zbrinjavanja;
17. Prijedlog Rješenja o razrješenju predsjednika Upravnog odbora Javne ustanove Zavod za medicinu rada i sportsku medicinu Zeničko-dobojskog kantona;
18. Prijedlog Zaključka o utvrđivanju činjenica bitnih za razmatranje Izvještaja o izvršenju finansijskog plana JU Zavod zdravstvenog osiguranja Zeničko-dobojskog kantona za 2011. godinu i nalogu za Upravni odbor Zavoda;
19. Prijedlog Zaključka o odobravanju sredstava za nabavku vakcina protiv gripe;
20. Prijedlog Rješenja o davanju ovlaštenja za obavljanje dužnosti Direktora Službe za zajedničke poslove;
21. Upoznavanje članova Vlade sa:
 - aktom Kantonalne uprave za inspeksijske poslove broj: 18/01-27-24150-1/12 od 16.11.2012. godine pod nazivom Informacija, u vezi akta Udruženja taksista u Zeničko-dobojskom kantonu,
 - aktom Kantonalne uprave za inspeksijske poslove broj: 18/01-25-24402-1/12 od 22.11.2012. godine pod nazivom Informacija, u vezi akta JP „Komunalno“ Breza koji se odnosi vodosnabdijevanje općine Breza,

- aktom Ministarstva finansija broj: 07/02-02-25415/12 od 19.11.2012. godine koji se odnosi na primjedbe i sugestije date Federalnom ministarstvu finansija na Prednacrt Zakona o budžetima u Federacije Bosne i Hercegovine

Članovi Vlade jednoglasno su usvojili predloženi dnevni red.

Prva tačka dnevnog reda

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Ministar Ministarstva finansija, Ministica Ministarstva za pravosuđe i upravu, Premijer Zeničko-dobojskog kantona, Ministar Ministarstva za obrazovanje, nauku, kulturu i sport, Ministrica Ministarstva zdravstva, Ministar Ministarstva za privredu, Ministar Ministarstva za poljoprivredu, šumarstvo i vodoprivredu, Sekretar Vlade, Ministar Ministarstva za rad, socijalnu politiku i izbjeglice, Ministar Ministarstva unutrašnjih poslova i Sekretar Sekretarijata za zakonodavstvo.

Radi obaveza članova Vlade sjednica je prekinuta u 9²⁵ sati

Nastavak sjednice održan je 07.12.2012. godine u 13¹² sati.

Nastavkom sjednice je predsjedavao Fikret Plevljak, premijer Zeničko-dobojskog kantona.

Nastavku sjednice prisustvovali su članovi Vlade.

1. Džemil Ugarak, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Ivica Ćurić, ministar Ministarstva za rad, socijalnu politiku i izbjeglice,
4. Mirko Trifunović, ministar Ministarstva za obrazovanje, nauku, kulturu i sport,
5. Raif Seferović, ministar Ministarstva za prostorno uređenje, promet i komunikacije i zaštitu okoline,
6. Ekrem Tuka, ministar Ministarstva za boračka pitanja,

kao i:

1. Haris Hrgić, pomoćnik sekretara Vlade,
2. Mirsad Kadić, sekretar Sekretarijata za zakonodavstvo,
3. Dženan Begović, šef Ureda premijera,
4. Jasna Ahmetspahić, portparol,
5. Azra Dedić, zapisničar.

Opravdano odustni su ministri:

1. Romana Brkić, ministrica Ministarstva za pravosuđe i upravu,
2. Mirsad Isaković, ministar Ministarstva finansija,
3. Rifat Delić, ministar Ministarstva unutrašnjih poslova,
4. Senka Balorda, ministrica Ministarstva zdravstva,

Četvrta tačka dnevnog reda

Vlada je jednoglasno donijela Odluku kojom se odobrava isplata sredstava u iznosu od **33.333,30** KM (slovima: tridesettri hiljade tristotinetridesettri/30 konvertibilnih maraka) za klubove poslanika političkih stranaka i samostalne poslanike u Skupštini Zeničko-dobojskog kantona, za mjesec novembar 2012. godine.

Sredstva iz člana 1. ove Odluke raspoređuju se na način da se: 30% sredstava raspoređuje jednako svim klubovima poslanika političkih stranaka, 60% od ukupnog iznosa raspoređuje se srazmjerno broju poslaničkih mjesta koje svaki klub poslanika političkih stranaka ima u trenutku raspodjele, dok se 10% od ukupnog iznosa raspoređuje klubovima poslanika srazmjerno broju poslaničkih mjesta koje pripadaju manje zastupljenom spolu.

Samostalni poslanik u Skupštini Kantona ima pravo da izravno učestvuje u raspodjeli sredstava iz stava 1. ovog člana, na način da se istom pripadajući iznos sredstava uplaćuje na žiro račun na koji mu se isplaćuju novčane naknade poslanika.

Poslaniku iz prethodnog stava pripada dio sredstava koji se dijeli na sve poslanike koji imaju mandat u Skupštini Kantona u trenutku raspodjele sredstava iz stava 1. ovog člana i to od dijela koji čini 60% ukupnog iznosa, a poslaniku koji pripada manje zastupljenom spolu, pripada i dio sredstava iz dijela koji čini 10% od ukupnog iznosa sredstava.

Peta tačka dnevnog reda

Vlada je jednoglasno donijela Zaključak kojim se Stručnoj komisiji vraća na doradu tekst Nacrta Strategije razvoja sporta Zeničko-dobojskog kantona 2013.-2017. godina.

Zadužuje se Stručna komisija (imenovana Rješenjem broj: 02-34-7875/12 od 29.03.2012. godine) da u skladu sa Programom rada Vlade Zeničko-dobojskog kantona za 2013. godinu i Programom rada Skupštine Zeničko-dobojskog kantona za 2013. godinu, izvrši zadatke iz navedenog rješenja.

Šesta tačka dnevnog reda

Obrazloženje za ovu tačku dnevnog reda dao je Fikret Plevljak, premijer Zeničko-dobojskog kantona.

Vlada je jednoglasno donijela Rješenje kojim se razrješava članstva u Školskom odboru Osnovne škole „Abdulvehab Ilhamija“, Kalošević, Tešanj:

- Mević Elvira, član - iz reda nastavnika, stručnih saradnika i osoblja škole, na lični zahtjev.

U Školski odbor Osnovne škole „Abdulvehab Ilhamija“, Kalošević, Tešanj, na period do isteka mandata Školskog odbora, imenuje se:

- Omerović Seid, - član iz reda nastavnika, stručnih saradnika i osoblja škole.

Rješenje stupa na snagu narednog dana od dana objavljivanja u „Službenim novinama Zeničko – dobojskog kantona“ i „Službenim novinama Federacije Bosne i Hercegovine“.

Sedma tačka dnevnog reda

Obrazloženje za ovu tačku dnevnog reda dao je Đemil Ugarak, ministar Ministarstva za privredu.

U diskusiji su učestvovali: Sekretar Sekretarijata za zakonodavstvo.

Vlada je jednoglasno donijela Odluku kojom se zadužuju ministarstva i druga tijela kantonalne uprave da u Programima utroška budžetskih sredstava za 2013. godinu planiraju sredstva odobrena od međunarodnih finansijskih institucija za sufinansiranje projekata iz svojih nadležnosti.

Vlada Kantona će odobriti sufinansiranje projekata od interesa za Kanton samo u slučaju kada je prije dostavljanja aplikacija s implementatorom projekta potpisan Protokol o partnerstvu.

Zadužuju se sva ministarstva i druga tijela uprave Zeničko-dobojskog kantona, da realizuju ovu odluku u skladu sa zakonom i podzakonskim aktima, svako u okviru svoje nadležnosti.

Osma tačka dnevnog reda

Vlada je jednoglasno donijela odluku kojom se odobravaju finansijska sredstva privrednom društvu "Bio-šamp" d.o.o. Tešanj, koji se bavi proizvodnjom- uzgojem gljiva, u iznosu od 7.000,00 KM (slovima: sedamhiljada konvertibilnih maraka), na ime subvencioniranja uvođenja i certifikacije međunarodnog standarda HACCP.

Odobrena sredstva iz ove odluke isplatit će se iz Budžeta Zeničko-dobojskog kantona za 2012. godinu, razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije preduzećima u privatizaciji i poticaj u industriji“, na Žiro račun broj: 199-046-00048773-54 kod Sparkasse bank.

Zadužuju se Ministarstvo za privredu i Ministarstvo finansija da realizuju ovu odluku u skladu sa zakonom i podzakonskim aktima, svako u okviru svoje nadležnosti.

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Deveta tačka dnevnog reda

Obrazloženje za ovu tačku dnevnog reda dao je Đemil Ugarak, ministar Ministarstva za privredu.

U diskusiji su učestvovali: Premijer Zeničko-dobojskog kantona.

Vlada je jednoglasno donijela Zaključak kojim se imenuje Osman Buza, pomoćnik ministra u Ministarstvu za privredu Zeničko-dobojskog kantona, kao punomoćnik državnog kapitala za XIV Skupštinu privrednog društva „rmk promet“ d.d. Zenica, zakazanu za petak 14.12.2012. godine.

Ovlašćuje se punomoćnik da u ime državnog kapitala u Skupštini glasa za usvajanje sljedećih odluka:

- Odluke o zatvaranju Predstavništva u Pragu;
- Odluke o likvidaciji ino firme Feroprom Prag;
- Odluke o likvidaciji ino firme Prometalk Milano.

Ovlašćuje se Ministar za privredu Zeničko-dobojskog kantona da na osnovu ovog zaključka sačini i potpiše punomoć za punomoćnika državnog kapitala.

10. tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona.

Vlada je jednoglasno donijela Zaključak kojim se odobrava isplata proizvođačima borovnice sa području Zeničko-dobojskog kantona u ukupnom iznosu od 9.420,30 KM (slovima: devethiljadačetiristotinedvadeset i 30/100 konvertibilnih maraka) na ime isplate poticaja za proizvodnju borovnice.

Odobrena sredstva iz ovog Zaključka isplatit će se iz Budžeta Zeničko-dobojskog kantona za 2012. godinu, sa razdjela 23, budžetske organizacije 01, potrošačka jedinica 0001, ekonomski kod 614 400 NAD 402, pozicija "Subvencije za podsticaj razvoju u poljoprivrednoj proizvodnji"

Sredstva iz ovog Zaključka bit će isplaćena prema priloženom spisku sačinjenom na osnovu provjere ispunjenosti kriterija za dodjelu podrške, koju je izvršila Poljoprivredna stručna služba Ministarstva za poljoprivredu, šumarstvo i vodoprivredu.

Spisak proizvođača borovnice od rednog broja 1. do 4. kojima je odobren iznos podrške sastavni je dio ovog zaključka.

11. tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobrava isplata iznosa od 151.800,00 KM (slovima: stotinupedesetjednahiljada osamstotina konvertibilnih maraka) uzgajivačima sa područja Zeničko-dobojskog kantona na ime premije za uzgojenu steonu junicu.

Odobrena sredstva iz ovog zaključka isplatiti će se iz Budžeta Zeničko-dobojskog kantona za 2012. godinu sa razdjela 23, budžetska organizacija 01, potrošačka jedinica 0001, ekonomski kod 614400, subanalitika NAD 402, pozicija "Subvencije za podsticaj razvoja u poljoprivrednoj proizvodnji".

Sredstva iz ovog zaključka biti će isplaćena na žiro račune korisnika prema priloženom spisku sačinjenom na osnovu provjere ispunjenosti kriterija za dodjelu premija, koju je izvršila Uzgojno-seleksijska služba Ministarstva za poljoprivredu, šumarstvo i vodoprivredu.

Spisak uzgajivača od rednog broja 1 do 386 kojima je odobren iznos premije, sastavni je dio ovoga zaključka.

12. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se daje saglasnost Ministarstvu za rad, socijalnu politiku i izbjeglice za preuzimanje obaveza:

- na pozicijama „Transfer za alternativni smještaj“ i „Izdaci za raseljena lica“,
 - na poziciji «Ostali socijalni transferi», odobrene Zaključkom o odobravanju isplate novčanih sredstava Sindikalnoj organizaciji UTTD „21.decembar“ u iznosu od 2.900,00 KM kao pomoć socijalno intervenirajućeg karaktera za dvadeset i devet radnika UTTD „21.decembar“ d.o.o. Zenica, broj: 02-14-24572/12 od 09.11.2012. godine, sa 86. sjednice Vlade,
- u skladu sa članom 2. stav (3) Odluke o obustavljanju izvršavanja pojedinih rashoda i izdataka u Budžetu Zeničko-dobojskog kantona za 2012. godinu („Službene novine Zeničko-dobojskog kantona“, broj: 14/12).

13. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 10.000,00 KM (slovima: desethiljada konvertibilnih maraka), Fadili (Šerfana) Džambegović, udovici poginulog branitelja iz Visokog, za potrebe kupovine stambenog objekta, odnosno trajnog stambenog zbrinjavanja.

Sredstva iz ovog zaključka isplatit će se iz Budžeta Zeničko-dobojskog kantona za 2012. godinu sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 "Pomoć u rješavanju stambenog pitanja" Ministarstva za boračka pitanja.

Uplata sredstava biti će izvršena na račun Službe društvene djelatnosti, boračko-invalidsku zaštitu i raseljena lica Općine Visoko, koja se obvezuje doznačena sredstva uplatiti na račun imenovane, a izvještaj sa dokazima o namjenskom utrošku sredstava dostaviti Ministarstvu za boračka pitanja u roku 15 dana od dana izvršene doznake sredstava na račun Općine.

14. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 15.000,00 KM (slovima: petnaest hiljada konvertibilnih maraka), Šerifi (Saliha) Kvakić, udovici poginulog branitelja iz Visokog, za potrebe izgradnje stambenog objekta, odnosno trajnog stambenog zbrinjavanja.

Sredstva iz ovog zaključka isplatit će se iz Budžeta Zeničko-dobojskog kantona za 2012. godinu sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 "Pomoć u rješavanju stambenog pitanja" Ministarstva za boračka pitanja.

Uplata sredstava biti će izvršena na račun Službe društvene djelatnosti, boračko-invalidsku zaštitu i raseljena lica Općine Visoko, koja se obvezuje doznačena sredstva uplatiti na račun imenovane, a izvještaj sa dokazima o namjenskom utrošku sredstava dostaviti Ministarstvu za boračka pitanja u roku 15 dana od dana izvršene doznake sredstava na račun Općine.

15. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 10.000,00 KM (slovima: deset hiljada konvertibilnih maraka), Milici (Momčila) Džafić, udovici poginulog branitelja i nositelja najvećeg ratnog priznanja „Zlatni ljiljan“ iz Visokog, za potrebe izgradnje stambenog objekta, odnosno trajnog stambenog zbrinjavanja.

Sredstva iz ovog zaključka isplatit će se iz Budžeta Zeničko-dobojskog kantona za 2012. godinu sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 "Pomoć u rješavanju stambenog pitanja" Ministarstva za boračka pitanja.

Uplata sredstava biti će izvršena na račun Službe društvene djelatnosti, boračko-invalidsku zaštitu i raseljena lica Općine Visoko, koja se obvezuje doznačena sredstva uplatiti na račun imenovane, a izvještaj sa dokazima o namjenskom utrošku sredstava dostaviti Ministarstvu za boračka pitanja u roku 15 dana od dana izvršene doznake sredstava na račun Općine.

16. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 10.000,00 KM (slovima: deset hiljada konvertibilnih maraka), Habibi (Hasana) Ramić iz Zenice, udovici poginulog branioca Armije BiH Zenura Ramića, u svrhu izgradnje stambenog objekta i trajnog stambenog zbrinjavanja.

Sredstva iz ovog zaključka isplatit će se iz Budžeta Zeničko-dobojskog kantona za 2012. godinu sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 "Pomoć u rješavanju stambenog pitanja" Ministarstva za boračka pitanja.

Uplata sredstava bit će izvršena na račun Općine Zenica.

Služba za boračko-invalidsku zaštitu Općine Zenica se obavezuje doznačena sredstva uplatiti na račun korisnika, a izvještaj sa dokazima o namjenskom utrošku sredstava dostaviti Ministarstvu za boračka pitanja u roku od 15 dana od dana izvršene doznake sredstava na račun Općine.

17. tačka dnevnog reda

Vlada je jednoglasno donijela Rješenje kojim se Edin Avdić razrješava dužnosti predsjednika Upravnog odbora Javne ustanove Zavod za medicinu rada i sportsku medicinu Zeničko-dobojskog kantona, na lični zahtjev, zaključno sa 15.11.2012. godine.

18. tačka dnevnog reda

U diskusiji su učestvovali: Premijer Zeničko-dobojskog kantona i Sekretar Sekretarijata za zakonodavstvo.

Vlada je jednoglasno donijela Zaključak kojim se utvrđuje da nisu stečeni uvjeti za razmatranje Izvještaja o izvršenju Finansijskog plana JU Zavod zdravstvenog osiguranja Zeničko-dobojskog kantona za 2011. godinu, s obzirom da Upravni odbor Zavoda zdravstvenog osiguranja Zeničko-dobojskog kantona nije usvojio Izvještaj o izvršenju Finansijskog plana JU Zavod zdravstvenog osiguranja Zeničko-dobojskog kantona za 2011. godinu.

Nalaže se Upravnom odboru JU Zavod zdravstvenog osiguranja Zeničko-dobojskog kantona da u skladu sa članom 103. stav 1. alineja 4. Zakona o zdravstvenom osiguranju („Službene novine Federacije Bosne i Hercegovine“, broj 30/97, 7/02, 70/08 i 4/11), uzme u razmatranje i usvoji izvještaj iz tačke I ovog zaključka i utvrdi program mjera za prevazilaženje nepravilnosti koje su identifikovane u izvještaju Ureda za reviziju institucija u Federaciji Bosne i Hercegovine i revizorskom nadzoru poslovanja, sačinjenom od strane Stručnih savjetnika za unutrašnju reviziju Ministarstva finansija Zeničko-dobojskog kantona.

Vlada je takođe jednoglasno donijela Zaključak kojim se, na zahtjev Skupštine Zeničko-dobojskog kantona, upućuje u skupštinsku proceduru Izvještaj o izvršenju Finansijskog plana JU Zavod zdravstvenog osiguranja Zeničko-dobojskog kantona za 2011. godinu (prilog: Odluka Upravnog odbora JU Zavod zdravstvenog osiguranja Zeničko-dobojskog kantona o ne usvajanju Izvještaja).

Prilog Izvještaju iz ovog zaključka čine:

- Izvještaj o reviziji finansijskih izvještaja JU Zavod zdravstvenog osiguranja Zeničko-dobojskog kantona za 2011. godinu, Ureda za reviziju institucija u Federaciji Bosne i Hercegovine (prilog: Zaključak Upravnog odbora broj: 01-100-3-31/12 od 18.07.2012. godine),
- Zapisnik o obavljenom revizijskom nadzoru poslovanja kod JU Zavod zdravstvenog osiguranja Zeničko-dobojskog kantona u 2011. godini, ovlaštenih stručnih savjetnika za unutrašnju reviziju Ministarstva finansija Zeničko-dobojskog kantona.

Zadužuju se Sekretar Vlade, Ministar Ministarstva za pravosuđe i upravu i Sekretar Sekretarijata za zakonodavstvo da pismeno obrazlože zaključak Vlade i pošalju Skupštini uz materijale.

19. tačka dnevnog reda

Vlada je jednoglasno donijela Zaključak kojim se odobravaju sredstva u visini od 25.000,00 KM (slovima: dvadesetpethiljada konvertibilnih maraka) za nabavku vakcina protiv gripe.

Sredstva iz ovog zaključka isplatit će se iz sredstava Budžeta Zeničko-dobojskog kantona za 2012. godinu, razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614300, subanalitika LAX 0001 – Tekući transfer za nabavku vakcina.

Zadužuje se Kantonalni zavod za javno zdravstvo Zenica da izvrši nabavku.

Zadužuju se Ministarstvo zdravstva, Kantonalni Zavod za javno zdravstvo i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

20. tačka dnevnog reda

U diskusiji su učestvovali: Premijer Zeničko-dobojskog kantona i Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Rješenja o davanju ovlaštenja za obavljanje dužnosti Direktora Službe za zajedničke poslove, na prijedlog predlagača.

21. tačka dnevnog reda

Članovi Vlade su dostavom materijala u prilogu, informisani u vezi sa ovom tačkom dnevnog reda.

Premijer Zeničko-dobojskog kantona je zaključio sjednicu u 13³⁶ sati.

Nastavak sjednice održan je 13.12.2012. godine u 13²⁵ sati.

Nastavkom sjednice je predsjedavao Fikret Plevljak, premijer Zeničko-dobojskog kantona.

Nastavku sjednice prisustvovali su svi članovi Vlade.

Nastavku sjednice takođe prisustvovali:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Dženan Begović, šef Ureda premijera,
4. Azra Smalbegović-Đ., zapisničar.

Prva tačka dnevnog reda

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Ministar Ministarstva finansija, Ministrica Ministarstva za pravosuđe i upravu, Premijer Zeničko-dobojskog kantona, Ministar Ministarstva za obrazovanje, nauku, kulturu i sport, Ministar Ministarstva za privredu, Sekretar Vlade, Ministar Ministarstva za rad, socijalnu politiku i izbjeglice, Ministar Ministarstva unutrašnjih poslova i Sekretar Sekretarijata za zakonodavstvo.

Vlada je jednoglasno donijela Zaključak kojim se prima na znanje Informacija o odlukama Ustavnog suda Bosne i Hercegovine dostavljenih Vladi Zeničko-dobojskog kantona na izvršavanje, a po osnovu kolektivnih ugovora, i ista je sastavni dio ovog zaključka.

Informacija iz ovog zaključka upućuje se u skupštinsku proceduru radi upoznavanja.

Informaciju iz ovog zaključka dostaviti Ustavnom sudu Bosne i Hercegovine.

Vlada je jednoglasno donijela Zaključak kojim se zadužuje Interresorna grupa imenovana radi sprovođenja Zaključka, broj: 02-34-9600/12 od 18.04.2012. godine, da okonča izradu centralne evidencije potraživanja svih povjerilaca, koja treba biti sačinjena prema datumu njihovog izvršnog naslova sa evidentiranim isplatama (ukoliko ih je bilo), sukladno navedenom zaključku a najdalje do 18.12.2012. godine.

Vlada je jednoglasno donijela Zaključak kojim se zadužuje Ministarstvo finansija Zeničko-dobojskog kantona da u cilju poduzimanja aktivnosti na implementaciji odredaba Odluka Ustavnog suda BiH, za potrebe Zeničko-dobojskog kantona sačini plan aktivnosti koji će obuhvatiti rokove i dinamiku isplate sukladno finansijskim mogućnostima kantona, te da sa ekonomskog (finansijskog) aspekta sagleda mogućnost donošenja propisa kojim bi se utvrdili način, postupci i rokovi izmirenja duga po pravosnažnim sudskim odlukama, a najkasnije do 18.12.2012. godine.

Vlada je jednoglasno donijela Zaključak kojim se zadužuje Ministarstvo finansija Zeničko-dobojskog kantona da u suradnji s komercijalnim bankama kod kojih Zeničko-dobojski kanton ima otvorene transakcijske račune, u cilju poduzimanja aktivnosti na implementaciji odredaba Odluka Ustavnog suda BiH, za potrebe Zeničko-dobojskog kantona, po pojedinim tražiocima izvršenja sagleda mogućnost obračuna kamata na glavnici i kamata na troškove parničnog i izvršnog postupka (ukoliko je to traženo u rješenju o izvršenju) i ukupan iznos kamata za sve tražioce izvršenja, odnosno da prezentira formulu za izračun istih najkasnije do 18.12.2012. godine;

Vlada je jednoglasno donijela Zaključak kojim se zadužuje Ministarstvo finansija da razmotri mogućnosti planiranja u Budžetu Zeničko-dobojskog kantona za 2013. godinu, a i svake naredne godine, znatno većeg iznosa sredstava u odnosu na trenutno planirani iznos, a sukladno sa finansijskim mogućnostima Kantona, a najmanje 300.000,00 KM, kako bi se od strane Zeničko-dobojskog kantona prema Ustavnom sudu BiH i povjeriocima Kantona, jasno očitovala ozbiljnost namjere izvršenja postepene isplate dugovanja svim povjeriteljima.

Zadužuje se Ministarstvo finansija da sačini informaciju zašto bi veći iznos od predviđenog ugrozio Budžet Zeničko-dobojskog kantona za 2013. godinu, odnosno zašto bi se izdvajanjem većih sredstava ugrozilo redovno funkcionisanje kantona te da istu dostavi Ministarstvu pravosuđa i uprave najkasnije do 18.12.2012. godine.

Zadužuje se Ministarstvo finansija da razmotri mogućnosti da se u Budžet Zeničko-dobojskog kantona za 2013. godinu „ekonomski kod 6148000“ na poziciji Stručne službe vlade – Izvršenje sudskih presuda, doda „podkod“ odnosno novi kod „ vansudske i sudske nagodbe, čija isplata bi se vršila na osnovu plana i kriterija za zaključenje sudske i vansudske nagodbe.

Vlada je jednoglasno donijela Zaključak kojim se zadužuje Ministarstvo za pravosuđe i upravu da pripremi informaciju Ustavnom sudu BiH o preduzetim mjerama s ciljem izvršenja odluka Ustavnog suda u skladu sa članom 74. Stav 5. Pravila Ustavnog suda BiH, te istu dostavi Vladi na razmatranje najkasnije do 20.12.2012. godine.

Druga tačka dnevnog reda

U diskusiji su učestvovali: Premijer Zeničko-dobojskog kantona, Ministrica Ministarstva za pravosuđe i upravu i Ministar Ministarstva finansija.

Vlada je jednoglasno donijela Zaključak kojim se prihvata Informacija o kadrovskim i materijalnim potrebama Kantonalnog tužiteljstva Zeničko-dobojskog kantona Zenica.

Treća tačka dnevnog reda

Vlada je jednoglasno donijela Zaključak kojim se odlaže razmatranje tačke dnevnog reda: Prijedlog Zaključka o prihvatanju Mišljenja Ministarstva finansija broj: 07/02-14-1713-1/12 od 19.11.2012. godine, datog na akte Agencije za privatizaciju Zeničko-dobojskog kantona.

Premijer Zeničko-dobojskog kantona je zaključio sjednicu u 14⁵² sati.

SEKRETAR VLADE

Berjana Ačkar

ZAPISNIČAR

Azra Dedić

PREMIJER

mr.sci.Fikret Plevljak dipl.ing.